

Na osnovu člana 4. Odluke o uslovima, postupku, visini i kriterijima za dodjelu Nagrade Grada Tuzla za ostvaren natprosječan uspjeh učenika, studenata i sportista sa područja grada Tuzla („Službeni glasnik Grada Tuzla“, broj: 4/15), Služba za razvoj, poduzetništvo i društvene djelatnosti Grada Tuzla, dana 30.04.2015. godine raspisuje:

JAVNI POZIV
za dodjelu Nagrade Grada Tuzla za ostvaren natprosječan uspjeh
učenika, studenata i sportista sa područja grada Tuzla

I Predmet Javnog poziva

Javnim pozivom prikupljaju se prijave učenika, studenata i sportista sa područja grada Tuzla koji su ostvarili natprosječan uspjeh u prethodnoj školskoj/kalendarskoj godini u cilju dodjeljivanja Nagrade Grada Tuzla.

II Pravo učešća

Pravo sudjelovanja na Javnom pozivu imaju učenici, studenti i sportisti koji ispunjavaju sljedeće:

- a) opće uslove:
- da su državljani Bosne i Hercegovine
 - da imaju stalno mjesto prebivališta na području grada Tuzla
- b) posebne uslove:
- da su učenici odnosno studenti koji su ostvarili natprosječne rezultate u učenju ili na međunarodnom takmičenju iz oblasti nauke, kulture i drugih društvenih oblasti u pojedinačnoj konkurenciji u prethodnoj školskoj godini, odnosno da su sportisti koji su Odlukom Sportskog saveza grada Tuzla proglašeni za najuspješnije sportiste u prethodnoj kalendarskoj godini.

III Način prijavljivanja

Prijave na Javni poziv podnose se na prijavnom obrascu kojeg je propisala Služba za razvoj, poduzetništvo i društvene djelatnosti Grada Tuzla.

Prijavni obrazac može se preuzeti na zvaničnoj web stranici Grada Tuzla www.tuzla.ba ili u Centru za pružanje usluga građanima (šalter sala).

IV Potrebni dokumenti

Uz popunjenu prijavu na Javni poziv za dodjelu Nagrade Grada Tuzla za ostvaren natprosječan uspjeh, aplikanti su obavezni dostaviti sljedeću dokumentaciju kojom dokazuju da ispunjavaju opće uslove iz tačke II a) Javnog poziva:

1. fotokopiju uvjerenja o državljanstvu,
2. fotokopiju PBA 3 obrasca kao dokaz prebivališta na području grada Tuzla,
3. fotokopiju tekućeg računa.

Pored navedene dokumentacije aplikanti su dužni dostaviti jedan od sljedećih dokumenata kojima dokazuju da ispunjavaju jedan od posebnih uslova iz tačke II b) Javnog poziva i to:

1. učenici – odluku nadležnog organa srednje škole o proglašenju učenika generacije za prethodnu školsku godinu,
2. studenti – dokaz visokoškolske ustanove da je aplikant na Javni poziv u prethodnoj školskoj godini bio redovan student I ciklusa (dodiplomskog) studija i da je položio sve ispite sa najnižom prosječnom ocjenom 9,5 kao i da je izmirio sve obaveze predviđene planom i programom te studijske godine,
3. učenici i studenti – potvrda (uvjerenje) nadležne obrazovne ustanove da je učenik/student bio redovan učenik/student prethodne školske godine kao i dokaz o osvojenom jednom od prvih tri mjesta na zvaničnom međunarodnom takmičenju u oblasti nauke, kulture i drugih društvenih oblasti u pojedinačnoj konkurenciji za tu školsku godinu,
4. sportisti – Odluku Sportskog saveza grada Tuzla o proglašenju najuspješnijeg sportiste u prethodnoj kalendarskoj godini.

Napomena: Nagrada Grada Tuzla učenicima, studentima i sportistima može se dodijeliti samo po jednom od navedenih posebnih uslova.

V Ostale napomene

Prijave na Javni poziv sa pratećom dokumentacijom dostavljaju se u zatvorenoj koverti putem Centra za pružanje usluga građanima (šalter sala) ili preporučeno poštom na adresu:

GRAD TUZLA
Služba za razvoj, poduzetništvo i društvene djelatnosti
Ul. ZAVNOBIH-a broj 11, 75000 Tuzla, Bosna i Hercegovina

sa obaveznom naznakom „**Ne otvarati – prijava na Javnom poziv za dodjelu Nagrade Grada Tuzla za ostvaren natprosječan uspjeh učenika, studenata i sportista sa područja grada Tuzla**“

Javni poziv ostaje otvoren 15 dana od dana objavljivanja (zaključno sa 15.05.2015. godine).

Nepotpune i neblagovremene prijave neće se uzeti u razmatranje.

Program raspodjele sredstava iz Budžeta Grada Tuzla na ime dodjele Nagrade za ostvareni natprosječan uspjeh učenika, studenata i sportista u prethodnoj školskoj/kalendarskoj godini objaviće se na zvaničnoj web stranici Općine Tuzla (www.tuzla.ba) u roku od 30 dana od dana zatvaranja Javnog poziva.

Dodatne informacije mogu se dobiti u Službi za razvoj, poduzetništvo i društvene djelatnosti Grada Tuzla, direktno ili putem telefona 035/307-386.